

## Johtočála 2023-36

Dáhton: 28.08.2023

# Kommentarer til regelverk - Refusjon av kursutgift

## Sisdoallu

Álggahus .....	2
§ 4-1. Ulbmil.....	2
Kommentárat ulbmilii .....	2
§ 4-2. Eavttut buhtadeapmái .....	2
Kommentárat mearrádussii.....	3
§ 4-3. Doarjjasupmi meroštallan .....	4
Kommentárat mearrádussii.....	5
§ 4-4. Gáibádusat ohcamuššii .....	5
Kommentárat mearrádussii.....	5

## Álggahus

Johtočála gusto buohkaide geat áigot ohcat buhtadusa kursagoluid ovddas dakkár kurssaid oktavuodas mat leat mielde ovdánahttime boazodoalu.

## Váldosisdoallu

### § 4-1. Ulbmil

§ 4-1

Ulbmil doarjagiin lea lámčit dili gealboloktemii boazodoalus dan bokte ahte doarjut olbmuid geat váldet kurssaid ja lassioahpu.

Gáldu: [Forskrift for reindriftens utviklingsfond](#) (Lovdata)

### Kommentárat ulbmilii

Ortnega ulbmil lea aktiivvaláš boazoeaiggádiidda lámčit dili gealboloktemii dan bokte ahte oahppat odđa, dárbbášlaš dieđuid dahje ođasmahttit máhtu mii sis juo lea.

Mearrádus ulbmila birra sáhtta geavahuvvot relevántta dulkonbeallin go veardádallá kapihttal 4 mearrádusaid ulbmilii.

### § 4-2. Eavttut buhtadeapmái

§ 4-2

Boazoeaiggádiid golut kursadivvagiidda, mátkkošteapmái ja orrumii kurssa/lassioahpu oktavuodas sáhttet buhtaduvvot, jus kurssas lea ulbmilin háhkat ja/dahje loktet boazodoalli gelbbolašvuođa boazodoallobarguid čađaheapmái.

Doarjaga juolludeapmái gáibiduvvo ahte boazoeaiggádis leat bohccot iežas mearkkas. Boazosearvvit dahje siidaoasi jođiheaddji/jođiheaddjit masá ohcci gullá, fertejit duođaštit ahte lea vuvdojuvvon biergu iežas mearkkas unnimusat 50 000 ruvno ovddas ekskl. lassiarvodivvaga.

Jus siidaoasi jođiheaddji/jođiheaddjit deavdá/deavdiba eavttuid álggahandoarjagii njuolggadusa vuodul doarjaga birra siidaoasiide ja boazoserviide § 9, de ii gusto dienasgáibádus § 4-2 nuppi lađđasis.

Gáldu: [Forskrift for reindriftens utviklingsfond](#) (Lovdata)

## Kommentárat mearrádussii

### Vuosttaš lađas: Geat sáhttet ohcat buhtadusa ja makkár kurssaid ovddas?

§ 4-2 vuosttaš lađđasa mielde leat «boazoeaiggádat» sii geat sáhttet ohcat buhtadusa kursa- ja lassioahppogoluid ovddas. «Boazoeaiggát» lea dakkár olmmoš geas lea vuoigatvuohta eaiggádit bohccuid sámi boazoguohtunguovllus boazodoallolága mielde, vrd. boazodoalloláhka § 9, vrd. boazodoalloláhka § 32 dahje dakkár olmmoš gii lea mielde boazosearvvis. Ohcci ferte leat registrerejuvvon siidaoassái, buhtalas rekruterenoassái dahje boazosearvái. Ohcciin, geat leat registrerejuvvon siidaoassái ja buhtalas rekruterenoassái, galgá leat iežas mearka.

### Oppalašgeahčastat doarjjavuoigaduvvon goluid badjel

§ 4-2 vuosttaš lađđasis leat namuhuvvon makkár golut sáhttet gokčojuvvot kapihttal 4 mielde. Listtu lea ollislaš, nu ahte earálágan golut eai leat kapihttala doaimmasuorggis. Dadjanvuohki «kurssaid ja lassioahpu oktavuodas» mearkkaša ahte golut galget leat čadnon dan dihto kursii/lassiohppui. Dan ferte áššemeannudeaddji árvvoštallat juohke ovttá áššis.

### Gealbbu háhkan/lokten

Kurssas/lassioahpus galgá maiddáai leat ulbmilin háhkat ja/dahje loktet boazoeaiggáda gealbovuodu doaimmahit boazodoallobargguid. Das oaivilduvvo ahte kurssat mat leat eambo dábálaččat ja addet gelbbolašvuoda maid earát go boazodoallit sáhttet atnit ávkin, dábálaččat lea kapihttala doaimmasuorggi olggobealde.

«Doaimmahit boazodoallobargguid» dajaldagaid oaivilduvvo dábálaš boazodoalu doaimmaheapmi nu go lea čilgejuvvon boazodoallolágas. Dasa gullá earret eará guođoheapmi, njuovvan, merken je. Maiddáai kurssat rehetdoalus ja girjedoalus, mat leat dárbbášlaččat go deavdá boazodoallodiedáhusa je. sáhttet leat dábálaš boazodoallobargguid meroštallamis.

Vaikko boazodoallobarggut maiddáai fátmastit lassiealáhusaid nu go bivdima, oagguma, murjema ja murrema, de eai leat kurssat mat loktejit gealbbu daid lassiealáhusaid siskkobealde kapihttal 4 njuolggadusa mielde.

Kurssat maida lea juolluduvvon doarjja dán njuolggadusa mielde leat earret eará:

- **Parasihtaeastadeapmi.** Ákkastallan: Dikšut bohccuid parasihtaid vuostá eastada buozalmasvuoda eankil boazoeaiggáda ealus, ja lea mielde unnideame riska ahte parasihtat njommot eará ealuide guovllus. Kursa fáttás parasihtaeastadeapmi lea danin dakkár mii ovddida boazodoalu orohagas ja guovllus, ja láhčá dili háhkamii ja/dahje loktejit ohcci gelbbolašvuoda čadahit boazodoallobargguid.
- **Bohccobierggu reiden.** Ákkastallan: Dat ahte eanet boazoeaiggádat ohppet odđá reidenvugiid bohccobierggu váras sáhtta dagahit ahte bohccobiergu šaddá eanet bivnnuhin, ja nu sáhtta šaddat eambo vuovdin ja alibut haddi. Dat boahtá buorin olles boazodollui. Kurssat bohccobierggu reidemis oidnojuvvo maiddáai gealboloktemin boazodoallobargguid oktavuodas.
- **Njuovvan njuovvanjorris.** Ákkastallan: Njuovvat njuovvanjorris lea buorre dakkár báikkiin mat leat guhkin eret njuovahagain. Dat addá doaimmalaš ja ekonomalaš ovdamuniid, oktan báikkálaš árvoloktema. Njuovvan njuovvanjorris lokte ohcci gealbbu boazodoallobargguid čadaheami oktavuodas.
- **Ealli bohccuid fievrredeapmi.** Ákkastallan: Ealli bohccuid fievrredeapmi orohaga ja boazodoalloguovllu ovddas háhka ja/dahje lokte ohcci gelbbolašvuoda čadahit boazodoallobargguid.

Kurssat mat eai deavdde eavttuid §§ 4-2 ja 1-7 vuosttaš lađđasa mielde leat earret eará:

- **Vuodjinkoarta.** Ákkastallan: Vuodjinoahpaheapmi ii leat boazoeaiggádiid váste, muhto dakkár masá buohkat sáhttet searvat. Dakkár kursa ii leat BOF-doarjjaortnegiid ulbmiliid vuolde. Eanandoallo- ja biebmodepartemeanta lea hilgojuvvon ohcamušaid áššemearrádusaid doalahan.
- **Bivdogahehččaleapmi.** Ákkastallan: Bivdogahehččaleapmái kursa oidnojuvvon eanet obbalažžan. Dat ii atte sierra gealboloktema boazodoallobargguid čađaheapmái boazodoallopoltihkalaš ulbmiliid mielde dakkár vugiin maid Boazodoalu ovdánahttinforanda galgá ruhtadit. Eanandoallo- ja biebmodepartemeanta lea hilgojuvvon ohcamušaid áššemearrádusaid doalahan.
- **Helikopteroahppu.** Helikopteroahppu oidnojuvvon dego biilla vuodjinkoarta obbalažžan. Dat ii atte sierra gealboloktema boazodoalu ovdánahttima váste, ja sáhttá dávjá adnot eará dienasháhkamii go boazodoallu. Eanandoalldirektoráhtta lea ovdeš áššiin ákkastallan ahte helikopteroahppu ii deavdde eavttuid kapihttal 4 mearrádusas, vaikko oahppu livčče geavahuvvon boazodoalu čađahemi oktavuodas.

### Nubbi lađas: gáibádusat ohccái

#### Gáibádus ahte leat bohccot iežas mearkkas

Ohccis galget leat bohccot iežas mearkkas boazodoalloga § 9, vrd. § 32, vuodul. Ii leat doarvái ahte ohccis lea registrerejuvvon mearka. Ohccis galget duođas leat bohccot mat leat merkejuvvon iežas registrerejuvvon merkii. Dan oaidná mañemus boazodoalldieđáhusas mas ohcci dieđut leat.

#### Gáibádus deavdit dienaseavttu

Ohcci galgá gullát boazosearvái dahje siidaoassái gos jodiheaddji sáhttá duođaštit divatgeatnegahtton vuovdindietnasa bohccobierggus iežas mearkkas unnimusat 50 000 ruvnno ovddas ekskl. lassiarvodivvaga. Boazosearvvit galget duođaštit divatgeatnegahtton vuovdindietnasa bohccos mii gullá ohcci boazosearvái.

«Divatgeatnegahtton vuovdindienas bohccobierggus iežas mearkkas» oavvilda vuovdin/dienas bohccobierggus siidaoassejodiheaddji registrerejuvvon mearkkas. Lassiarvodivvaga njuolggadusat mearridit lea go vuovdin divatgeatnegahtton, ja dan mearridit vearroeiseválddit.

Divatgeatnegahtton vuovdindienas galgá leat háhkkojuvvon mañemus kaleanddarjagis. Ovdamearkka dihte, jus ohcá buhtadusa kursagoluid ovddas jagis 2022, de galgá duođaštuvvot ahte siidaoassejodiheaddji devddii diasgáibádusaid jagis 2021. Mearrádus lea seammalágan go njuolggadusain doarjaga birra siidaosiide ja boazoserviide § 3 vuosttaš lađđasis nr. 2, ja dulkojuvvon seamma ládje.

Diasgáibádusas ii sáhte spiehkastit. Vaikko ohcci oaččui dispensašuvvna § 3 vrd. § 17 njuolggadus doarjaga birra siidaosiide ja boazoserviide, de dispensašuvvna ii sirdojuvvon kursagoluid buhtadeapmái.

### Goalmát lađas: spiehkastat siidaosiide geat ožžot álggahandoarjaga

Diasgáibádus ahte galgá vuovdán bohccobierggus iežas mearkkas unnimusat 50 000 ruvnno ovddas ii gusto jus siidaoassejodiheaddji deavdá eavttuid oážžut álggahandoarjaga njuolggadusa siidaosiid ja boazoserviid § 9 vuodul. Duogáš rievdadussii lea ahte nuorra boazoeaiggádat álggahandásis ja sin siidaoassemiellahtut galget oážžut seamma vejolašvuoda, jus ii buoret vejolašvuoda máhttoloktemii go ásahuvvon boazoeaiggádat.

## § 4-3. Doarjjasupmi meroštallan

#### § 4-3

Golut kursii/lassiohppui sáhtta buhtaduvvot gitta 50 proseantta duođastuvvon goluin, gitta 6000 ruvnno jahkásaččat.

Gáldu: [Forskrift for reindriftens utviklingsfond](#) (Lovdata)

#### Kommentárat mearrádussii

Goluid sáhtta duođastit earret eará rehkegiin/guittiin máksojuvvon kursadivvaga ovddas ja vejolaš guittiiguin vejolaš mátkkošteami ovddas. Golut mátkkošteapmái ja orrumii gokčojuvvo stáda máksomeriid mielde. Go galgá árvvoštallat mii lea 50 proseantta duođastuvvon goluiguin, de ferte váldit vuodđun daid máksomeriid.

Stáda máksomearit leat alimus máksomearit. Jus duohta golut leat unnibut go stáda máksomearri, de leat golut mat leat ohcamušas vuodđun doarjjameroštallamii.

Doarjaga máksomearri lea gitta 6000 ruvnno rádjái juohke jagi. Das oaivvilduvvo ahte don sáhtát searvat mánja kurssaide ovttá jagis, muhto doarjaga it oáččo earágo 6000 ruvnno rádjái.

Ovdamearka:

*«Ohcci A lea leamaš golmma kurssas. Vuosttaš kurssa ovddas juolluduvvui sutnje 2 500 ruvnno doarjja. Nuppi kurssa ovddas juolluduvvui sutnje 3 000 ruvnno. Goalmmát kursa mávssii 1 500 ruvnno, muhto go son lei juo ožžon doarjaga 5 500 ruvnno ovddas, de ii sáhtán juolluduvvot eambo doarjja go 500 ruvnno dan jagis».*

#### § 4-4. Gáibádusat ohcamuššii

#### § 4-4

Ohcamuš buhtadussii kursagoluid ovddas galgá sáddejuvot Eanandoalldirektoráhttii sierra skoviin gitta 6 mánu rádjái maŋŋel go kursa nogai. Miellidus galgá bidjat duođastusaid maid Eanandoalldirektoráhtta atná dárbbaslažžan hálddašit doarjjaortnega.

Gáldu: [Forskrift for reindriftens utviklingsfond](#) (Lovdata)

#### Kommentárat mearrádussii

Jus kurssas leat mánja oasi, de sáhtta ohcamuš sáddejuvot gitta 6 mánu rádjái maŋŋel go kurssa maŋemus oassi lea loahpahun.

Duođastusat goluid badjel galgá biddjot miellidus ohcamuššii. Makkár duođastusaid galgá bidjat miellidus bohtá ovdan ohcanskovis. Jus Eanandoalldirektoráhtta dárbbasa eanet dieđuid dahje duođastusaid, de sii bivdet oážžut daid ohccis ovdal go áššemearráduš dahkko.

